



Taulogologo

MARIA PAIA E,.....TALOSIA I MATOU.

Lomiga 76

APERILA 2018

Fa'amatala e le fai Evagelia o Mataio, na o'o i le isi aso ua sauni e le au Aposetolo le va'a fa'atasi ma Iesu mo le vai o Kalilaia. E lē o se vai telē, na'o le 170kilomita fa'atafafa lona telē. I lea aso ua loulouā le tau i matagi, o galu malolosi ma osofia ai le va'a. Na suia fa'afuase'i le to'a filemu o le au Aposetolo ma ua fefefe ai. A'o Iesu o lo'o saofa'i ma ua o'o ina fa'agalegale moe. Ua fai atu Peteru, "*le Ali'i e alofa mai,*"...le sulufa'i a le tagata fiaola, ua na'o Iesu le fa'amoemoe. Ua tula'i Iesu, fai mai Mataio ua ia fa'atonu le matagi ma le vai. Ma ua fai atu, outou tagata fa'atuatua iti se a le mea ua outou fefefe ai. Ua matūtū ma naumati le tagata iā Iesu. E moni o le afā, ae afai o i ai le Atua ma outou aiseā tou te fefefe ai. Na leiloa e le au Aposetolo tali ona e le'i o'o i le taimi. Ae ua latou malamalama ia Iesu ina ua usita'i le matagi ma le vai.

O tagata uma e manaomia le ola e molimaaina ai le fa'atuatua ia Iesu. Ua fai mai Iesu ia i tatou, ua tatou maua le fa'atuatua ola, le fa'atuatua malosi, le fa'atuatua mautinoa, ae o le fa'atuatua e lē mafai ona liua pe a feagai ma afā o aso nei e pei ona tupu i Kalilaia. O le fa'atuatua e na'o le pau lea o le sulu ua tatou maua e malamalama ai i le fesili: po'o le a le uiga o le ola? E malamalama ai i le pogisa o le mativa i le fa'atuatua. O lo'o fai mai foi Iesu ia i tatou tagata fa'atuatua; aisea tou te fefefe ai, aisea tou te masalosalo ai, aisea tou te lē molimaaina ai le fa'atuatua. Aisea tou te lē vivi'i ai i le fa'atuatua e pei o Maria; le fa'atusa pito i mata'ina o le fa'atuatua. "*Vivi'i lou loto i le Ali'i, ua oso fiafia lo'u agaga.*" Aiseā? Ona ua foa'i mai e le Atua lo'u fale?... Leai. Ona ua sui e le Atua o'u ofu?... Leai. Ona ua auina mai e le Atua ana agelu e fai a'u feau?... Leai. Ua vivi'i atu lo'u loto i le Ali'i ona o mafua'aga faa-le-Atua. Aisea? Ona ua "*silasila mai i lana auaua fa'atauva'a.*" Fai atu Maria ia Elisapeta, o lo'o 'au le Atua i le itu o e loto maualalo, fa'atauva'a, matitiva, o le Atua o le olioli o lenei tala. O le manatu fa'apito e leiloa mata o le Atua, e leai se lumana'i, "*fa'atā'apeapeina e ia o e fa'amaualuga i manatu o o latou loto; fa'aeaina e ia o e fa'amaualalo.*" O lenei tala e fa'asoēsā i loto pepelo, e mana'omia puapuaga o Iesu, o puapuaga o le alofa. Mai luga o le satauro, "*lo'u tina e,*" ua e iloa e manumalo le agalelei, e manumalo le alofa, fa'amaopoopo i latou uma, fa'atalitonu isi i le malosiaga fa'a-tinā. O Maria, o ia lea o le fa'asino ala i le alofa o le Atua.

E fitu sauniga fa'amanatu o Maria e fa'amamaluina i le kalena fa'ale-Ekalesia. I le Feagaiga Tuai, tatou te faitau ai i le ala na tatalo ai Mose; o ona 'a'ao fa'alooaloa ma augani atu i le Atua ina ia maua e le fanauga a Isaraelu le manumalo mai i o latou fili i se tāua. A'o tatalo Mose, sa fa'apena ona manumalo Isaraelu; ae a uma le tatalo, ona amata lea ona solomuli le fa-

nauga a Isaraelu. Lea na o atu ai alii e toalua e u'u lima o Mose i luga ina ia tatalo pea seia o'o ina manumalo Isaraelu. E fa'apena foi le tatalo umi a Iosua i le Atua ina ia manumalo i se isi foi tāua. A mafai e Mose ma Iosua ona iloa lenei mana mai le Atua, o le a lē sili atu i le mamana o tatalo a le Tina Paia. Ina ua uma le uaina o le tausama'aga o le fa'aipoipoga i Kana i Kalilaia, ona fai atu lea o Maria iā Iesu. *Ua leai se uaina.* "Ona fetalai atu lea o Iesu 'iā te ia, *Funa e, fa'apefea' ona e va'ai i lenei mea? E lei oo mai lo'u itula.*" Ae na fai atu Maria i auaua: "*So'o se mea e fai atu ai, ia outou faia*" (Ioane 2: 1-5). O le taimi nei o lo'o i ai ia i tatou le manatu e toatele Kerisiano e faigata ona malamalama e lē gata i le tulaga o Maria i le misitelio o Keriso, ae fa'apena foi lona tulaga i le misitelio o le Ekalesia. O nei faigata e fa'ataua lelei i le matafaioi a Maria i le tulaga o le fa'aolataga ma tapuā'iga e tataua ona tu'uina atu ia te ia. O Maria o le tagata na filifilia e le Atua talu mai le vavau. O le mafua'aga o lona filifiliga e galulue fa'atasi i le galuega o le fa'aolataga o lo'o nofomau i le Atua lava ia. "*Tumu oe i le kalasia*" (Lk 1:28), ua filifilia e avea ma tina o le Alo o le Atua e aunoa ma le aveesea o lona nofo taupou. E ui i le auai ma le naunautai i le galuega o le fa'aolataga, ae ua fa'aolaina Maria e pei o isi tagata paia, ae e lē aveesea ai lona suafa o le Tina o le Atua.

O Maria mo Iesu, e lē gata o ia na tu'uina atu iā Iesu le tino-tagata, ae fa'apea foi lona affiina o lona olaga atoa i le lalolagi, mai i le Liutino-tagata e o'o atu i le Penetekoso. E ala i le fa'avaeina o le Ekalesia o lona tino, ua tatalaina ai e Keriso le so'otaga i le va o le Ekalesia ma lona tina; i Kalevalio i lona tina "*o lau tama lea...*" iā Ioane, "*fa'auta o lou tina lea...*" Le so'otaga a Maria ma Ioane le sui o le au Aposetolo, o le Ekalesia lava lea. Maria ua avea ma Tina ma tino tumau o le Ekalesia. E mautinoa lava ua ui mai le Atua iā Maria mo i tatou. E leai se mea e mafai ona taofia ai le Atua mai le taliaina o i tatou e o atu ia te Ia e ala atu iā Maria, e pei ona ia faia.

O Maria o se mataupu tupito o seneturi anamua, i le malamalama gatā. Ae ua faigofie ona o le sulumalama o le telosia o Keriso (Christology). O Maria, i lona tulaga feso'otai ma lona Alo, e lē mafai ona tatou si'itiaina se mea iā Maria ae fa'aititia Iesu. O le mea moni, o le fuaitau "*o e fa'alogi i le afioga a le Atua ma tausi i ai*" e fa'atatau iā Maria. I lea fetalaiaga a Iesu e lē o le naunau i le tulaga fa'atinā o Maria, ae o le fa'atuatua o Maria, o le sa mua'i fa'alogi i le Afioga a le Atua, ma *tausia*" ma olaina. Fua o le *fa'alogi*" i le afioga a le Atua. Fua o lona

MARIA PAIA E,.....TALOSIA I MATOU.

ʻhalieʻatoʻaatoa. Ua teu ia mea uma i lona loto(Lk 2:51). Upu i le ʻamaitai i le ogatotonu o le motu o tagata, na tali atu i ai Iesu i le motu o tagata: *ʻAmuia i latou oe faʻalogo i le aʻfioga a le Atua ma tausia.* O le ki e mafua mai i le faʻalogo i le aʻfioga a le Atua; i totonu o tagata o le Atua; i totonu o lana Ekalesia.

O le tala i le Liutino-tagata o le Alo o le Atua na amata i le faʻaaliga na faia e le agelu o Kapelielu ia Maria. Fai mai Sagato Tomasi Akuino, o le mea moni o Maria o se mea faigaluega i aʻao o le Atua mo le faʻataunuʻuina o lana foafoaga faʻaola. O Maria lava, aʻo leʻi fanau mai Iesu na ave atu ia Elisapeta ma loane, o lē na osooso i le olioli. O Maria, o le na faʻalauiloa atu o la i leoleo mamoe.

O Maria lava lea na ofoina atu o la i Makoi. I le Malumalu na ia ofoina atu ai Iesu i le toeaina o Simeone na te siʻi-ina o la i ona lima, ma mulimuli ane ai i le perofeta o Ana. Faʻafetai tele Maria, o lea ua e tuʻuina mai ma faʻailoa mai Iesu talosia i matou.

Manuia lenei masina i le

tatou Matagaluega.

Falefou Sio

AFIGA KATINALE JOHN DEW



UŌ PELEINA

I lana muaʻi Tusitusiga tele **“Evangelii Gaudium”** sa fai mai Pope Faranisisi a tatou faʻaevage-
lia e ao ona amata i le **“faʻafouina o lo tatou feloaʻi ma Iesu Keriso.” (EG 3).** O le tausaga 2013 lenā. O lea ua toe tusia e Pope Faranisisi se isi tusitusiga ua taʻua **Gaudete et Exultate** (Olioli ma Fiafia), o se valaʻauina

i le paʻiaga i le lalolagi i aso nei. I lenei tusi faʻaaposetolo, ua ia faʻamaala mai ai pe faʻapefea ona faʻafou o tatou feiloaʻiga taʻitoʻatasi ma Iesu.

I le toe foʻi i tua pe o le 1975 sa tusia ai e Pope Paulo VI se faʻamalosiʻau faʻaposetolo na taʻua Evangelii Nuntiandi. I lena tusi sa ia taʻua ai le manaʻomia le **“faʻaloloto, faʻamausalī ma le fafagaina”** o lo tatou faʻatuatua ma ia faʻapelepele seʻi matua (EN 54). O loʻo manino mai e i ai se manaʻoga mo tatou uma lava ina ia tatou ola ai pea i le faʻatuatua, faʻaloloto o tatou malamalamaʻaga, ma ia amanaʻia tele mea ua tatou talitonu i ai.

O tatou uma lava taʻitoʻatasi ua tatau I soʻo se auala e faitau, faia ni aʻoaʻoga, suia auala tatou te tatalo ai ina ia ola la tatou mafutaga ma le Atua. I lana fautuaga sa faʻapea mai ai Paulo VI ina ia tatou saʻili le malō, atiaʻe I luga, ola ai ma folafola. I lana tusi talu ai neiua faʻaali mai ai e Pope Faranisisi o le ola a le tagata lava ia I le paʻiaga e le mafai ona fevaeveʻeseina mai le atiaʻe o le Malō o le Atua. O

tatou olaga Kerisiano, o tatou filifiliga e ola e pei o soʻo a Iesu ua faʻatonuina ina ia tatou ola ma faʻaali i upu ma amioga mea ua tatou taʻutaʻuina. Ua tatou iloa e le valaʻauina i tatou uma e ave ma faiaʻoga poʻo ni aʻoaʻo o le Tala Lelei, ae ao ona mafai ona tatou ofo atu ni mafuaʻaga mo faʻamoemoega o loʻo iā te i tatou (cf. 1 Peteru 3: 15)

I le tausaga seʻia mavae atu sa fai ai le Sinoti a le Puleʻaga Faʻaakiepipoko ma le sini **“O, Ua Auina Atu Outou.”** Sa manino mai i tomanatuga ma faʻasoa, i luma atu, le taimi o le tualumaga ma le maeʻa o le Sinoti, afai tatou te mananaʻo e tali atu ma le agalelei i le valaʻau ia “auina atu” afai tatou te faʻamaoni i le “lelei o le galuega talaʻi” e manaʻomia le tatou ola i lo tatou malamalamaʻaga ma le talisapaia o lo tatou faʻatuatua.

E manaʻomia le ave a tatou ma tagata paʻia. O le tusi fou a Pope Faranisisi o le fesoasoani ia i tatou e faʻataunuʻuina lenei mea, a o faʻatulaga le paʻiaga i tulaga o le ola i aso taʻitasi. Ua ia aumaia “faʻamatalaga tetele i lima” o le alofa o le Atua ma tuāʻoi ua ia manatu e tāua tele. O nei la: Filigā, onosaʻi ma le agamalū

Fiafia ma se agaga tausua

Toa ma le Naunautaʻiga

I mafutaga

I fai tatalo soʻo.

Faʻamolemole taumafai e faitau, aʻoaʻo ma tatalo faʻatasi ma le Gaudete et Exultate.

Ma Faʻamanuiga uma

+ Ioane

FAITAU LE TUSI PA'IA

Hosea, Ioelu, Amosa, Opetaiā
- O le To'ilalo o le Malō

O LE SEFULU MA LE LUA O TUSI O PEROFETAGA, o latou uma e tai tutusa le pupu'u, ma ua fa'aigoaina o "Perofeta Laiti". E le taofiofia ai ona tatou va'ava'ai i le tāua fo'i o ia tusi.

Tatou amata mai ia Hosea, sa a'oa'o i le taimi o le fa'asolosolo ona fa'aitiitia le Malo i Saute ma le fa'aumatia o Matū. E talanoa mai i malo e lua a le Atua i le fa'aogāina o se fa'atusa o se avā le fa'amaoni, ma ana fanau e uiga 'ese o latou igoa "E le Alofagia" ma "E le o ni ou Tagata" – ae o ia o se fa'atoānofotane e fa'amagalo pea e le Atua le fa'atoāfai-avā ma toe 'apo mai, ma o le fanau ua toe fa'aigoaina "O 'ou Tagata" ma "Ua ia toe maua mai le agalelei". Na fa'amatala 'auiliili e le perofeta le leaga o ositaulaga ma tagata, ae maise i le itū i matū, ae i le ogatotonu o nei tu'ua'iga ma fa'atōina, ae sao mai ai lava le alofa i taimi uma, ma fa'ailoa mai ai e le Atua o i latou o ona tagata. I le mataupu 11 ua tatou fa'alogi ai i ni upu e uiga 'ese le mālū i le Tusi Pa'ia e uiga i le alofa fa'atamā a le Atua mo Lana fanau amio leaga. "Na ou tosina i latou i maea a le tagata, o mea alofa lava... Efaraima e, ou te mafai fa'apefea ona tu'u atu ia te oa? Isaraelu e, ou te tu'uina atu 'oe fa'apefea?"

E talanoa mai Ioelu i taimi o fa'aletonu ma mala, o le mugā sē ua fai ma fa'ailoga o vaega'au ua fa'amata'ua Isaraelu. Ua tatou fa'alogi i le matata'u o tagata, ma la latou tatalo fa'atauana mo se auina atu o i latou, ma le vala'au a

le Atua ia i latou ina ia salamō i tatalo ma faia ni agapogi. O lo'o i ai se folafolaga tele, "Ou te liligi ifo ai lo'u Agaga i luga i tagata uma," o se agaga o le perofetaga ua toe tu'uina atu i tagata o le Atua, ona o le Ali'i o lo latou mapusaga. O le a toe mamalu ma pa'ia Ierusalemā, ma Iutaia o le a toe nofoia, o mala e lē fa'avavau.

O Amosa e fai si matuiā. O ia e sau mai Saute, na malaga atu i matū ma amata ai ona tu'ua'ia agasala o nu'u fa'apaupau i tua'oi. Na fa'alogi ai latou mai Matū ma malilie i ai: sa maofa ina ua tautala Amosa i agasala o ona lava tagata i Saute – ma mafaufau ai i lona ita pe a liliu atu i amioga leaga a ona tagata i le Malo i Matū fo'i ia. O le ositaulaga i Peteli sa taumafai e tuli'esea o ia mai le 'a'ai, ae sa fa'aaau pea ona 'auiliili e Amosa le faimealetonu ma le leaga ua ave'esea ai le alofa o le Atua. Ua tau leai se fa'amoemoe mo le Malō i Matū, tau leai se mea taua o totoe, e ui o lo'o i ai se folafolaga mo le toe fa'aleleia mo le Malō i Saute. O le fe'au a Amosa sa fa'ataunu'uina e pei ona tusia.

O Opetaiā o tusi pito sili le pu'upu'u, e tasi le va'aiga. O le faitioina o tama'i nu'u o Etoma, i le itū i saute o Iutaia ua 'au ai i le fa'aleagaina o tagata o le Atua na totoe mai i pulega a Papelonā. O Etoma o Esau, le uso o Iakopo, o se itu'iga tuā'oi ma e aiga, ma o le fa'alata e sili atu lona tigā i lo le osofa'ia e tagata 'ese e pei o Asuria po'o Papelonā. O lo'o i ai fo'i se folafolaga mo le toe fa'aleleia, ae mo se Iutaia fou o le a pulea le 'ele'ele sa ta'ua o Etoma muamua .

SAGATO IOANE 1



Pope ma le Maletile (d. 526)

O Pope Ioane le muamua na ia tauaveina le mau fa'a-Arian ina ua tula'i mai i le tofiga Pope, le mau na te'ena le mamana o Keriso. Sa pulea Italia e se tupu mo le 30 tausaga sa lagolagoina lenei mau, ma na ia pulea fo'i ma tagata Katoliko i lea lava taimi ma le onosa'i. Na

suia ana polisi i le taimi tonu na avea ai Ioane ma Tamā pa'ia (Pope).

Ina ua amata e le tupu mai sasa'e ona mamafa ana tu'utu'uga i tagata Aria mai Sasa'e i lana itumalō, na fa'amalosia e le tupu i sisifo iā Ioane e ta'ita'ia se savali i Sasa'e e

taufa'amāmā tu'utu'uga ua afaina ai i latou e lagolagoina lenei mau. Sa le tele se tala na maua mai i lenei talanoaga po'o se i'uga o le fetu'ugaina – sa faia i se 'auala ina ia fa'aaau ai pea le saogalemū o tagata Katoliko i Sisifo. Ina ua toe fo'i mai i Roma Ioane, sa iloina ua amata ona masalosalo le tupu i lana faiguō ma le tupu i Sasa'e. Ina ua toe fo'i mai, sa fa'afalepuipui ina ua taunu'u i Ravenna ona ua masalomia e le tupu ni taupulepulega e ave'ese o ia mai lona nofoātupu ma lona tofi. Sina taimi pu'upu'u talu ona falepuipui, na maliu Ioane, mai sauaga na o'o ia te ia.

TALA IA LASALO MA A'OA'OGA MAI LE NOFO FA'ANOANO
FA'ALILIUINA E *L.A.I.LAOA* MAI TUSITUSIGA A *PIPPA BONNER*



The Samoan Chaplaincy Youth Group at Relay For Life. This is the 4th year, the youth has been apart of this event. Well done and keep up the good work...
FA'AMALOSI!

O LE TOETŪ A KERISO MA LO TATOU TOETŪ

O LE ASO FARAILE PAIA

O LE ASO FARAILE PAIA

SAGOLEGOLE

**‘IA VI’IA OE’ (LAUDATO SI),
SĀVĀLI A LE TAMĀ PAIA (fa’auau mai le lomiga talu ai)**

FAITAUGA MO LE MASINA IUNI 2018

ASO 6 ME ASO SA 6 O LE PASEKA:

Faitauga muamua Galuega 10: 25 – 26, 34 – 35, 44 – 48. Matua: Ua afio ifo le Agaga Pa'ia iā te i latou uma lava o e fa'alogo I le upu.

Salamo: 98: 1 (tali), 2 – 3 (tali), 4 (tali). Tali: Ua fa'ailoa mai e le Ali'i o lana lava fa'aolataga.

FAITAUGA MO LE MASINA APERILA 2018

Faitauga lona lua: 1 Ioane 4: 7 – 10. Matua: O le Atua o le alofa lava ia.

Aleluia, Aleluia... Afai e alofa mai se tasi iā te a'u, e tausia e ia la'u upu; e alofa fo'i lo'u Tamā iā te ia, e o mai fo'i i maua iā te ia...Aleluia.

Evagelia: Ioane 15: 9 – 17. Matua: E lē sili lava le alofa o se tasi i lenei alofa, ia tu'uina atu e se tasi lona ola mo ana uō.

Tofitofiga o le Upu:

Ua tu'uina mai mo i tatou ni faitauga loloto moni e tolu, ma e aoga mo ni tomanatuga mo le vaiaso. 'O le moni ua 'ou māua nei e sau mai le iloaina o le Atua e le fa'apito, ae e leai se i si...o le mata'u i le Atua ma faia le mea tonu, e taliaina e ia.' O se va'aiga lea a Peteru ua tele lona sao mo galuega tala'i o le Tala Lelei i fafo atu o tagata Isaraelu, ma o lo'o fa'apena lava ona tauave lena malosi'aga fa'amisionare i nei aso, fa'apea le a'afiaga tele ile va o Kerisiano ma tagata o isi talitonuga ma fa'atuatuga – o se tulaga o le fa'atuatua i le lalolagi i nei aso. O le tusi muamua a Ioane ua fa'amatala maia: "o e alolofa, ua fanau mai i latou mai le Atua, ua iloa fo'i e i latou le Atua...o le alofa lava o ia." E fa'apefea mai le Atua? O a ni mea e ao ona tatou faia ina ia fa'afiafia ai le Atua? E fa'atauva'a le tali – alofa. Ma o le a le uiga o lena mea? Ua fai mai le evagelia ia i tatou: Ia outou fealofani e pei ona ou alofa atu ia te outou.' O nei faitauga e tolu ua le gata ua aumaia se fa'amatalaga po'o se va'aiga i lenei lalolagi, ae ua lu'itauina le e fa'alogoina ina ia va'ava'ai i le lalolagi i se va'aiga fou laua'itele. O mafutaga uma ma isi tagata ua fa'ailogaina i le latou – ma la tatou – mafutaga ma le Atua, ma ua lagolagoina ai oe fa'apefea ona tatou feiloa'i atu i isi. O le Atua na foafoaina ma taofiofia mea uma ola, e le gata o malosi tele po'o se tagata fa'alelagi ua taumamao atu, ae o lo'o a'afia I mea uma lava e ala I se taumauga o le alofa. Ma o lena alofae le na o se manatu, ae o lo'o tino mai atoatoa i le foa'ifua. Ina ia malamalama i le moni mai nei faitauga e tolu, e ao ona va'ai i le lalolagi i se 'auala fou.

ASO 13 ME ASO SA – AFIO A'E O IESU:

Faitauga muamua: Galuega 1: 1 – 11. Se a le mea tou te tutu ai, ma va'ava'ai i le lagi? O Iesu ua aveaina a'e i le lagi.

Salamo: 47: 1 – 2 (tali), 5 – 6 (tali), 7 – 8 (tali). Tali: O lo'o afio a'e le Atua ma le alaga fiafia, o lo'o afio a'e le Ali'i ma le leo o le pū.

Faitauga lona lua: Efeso 1: 17 – 23. Matua: Ua ia fa'anofō iā te ia i lona itū taumatau i mea o i le lagi.

Aleluia, Aleluia...Ia outou o atu e fai nu'u uma ma so'o; 'ou te iā te outou i aso uma lava e o'o lava i le gataaga o le lalolagi...Aleluia.

Evagelia: Mareko 16: 15 – 20. Matua: Ua aveaina a'e o ia i le lagi, ona nofo ai lea i le itū taumatau o le Atua.

Tofitofiga o le Upu:

O lo'o i ai le isi faitauga lona lua mo lenei tausaga e aogā fo'i ona manatunatu i ai. O le faitauga e masalo na filifilia ona o se vaega o lo'o talanoa mai ai o Keriso na 'alu atu i luga' (ma o le masalomia o le mafuua'aga lea na fa'aopopo ai le vaega pu'upu'u fa'apitoa e a'afia ai ma le fa'aupuga na le tu'ua i ai). Ae o le finau autu o le vaega ua a'afia ai 'mea alofa' na avatu e ala atu i le Agaga: mo le 'atia'e o le tino o Keriso'. O se manatu lenei e tatau ona manatunatu iai – i so'o se fa'apotopotoga lavae anoanoa'i mea alofa o so'o se ituaiga, ae o le totino ile Tino o Keriso o lona uiga so'o se mea alofa e lē o se mea totino a se tasi; e lē o se totino a se tasi ae o le tino, ma mole lelei - le atia'e – o le fa'apotopotoga.

O le evagelia ua fa'aigoaina o le 'fa'ai'uga umi' a Mareko, ua talitonuian e le tele o faia'oga o le Tusi Pa'ia na fa'aopopo mulimuli i le fa'ai'uga na amata mai na fa'amaumauina ai le lē mautonu ina ua maua le tu'ugamau ua leai se isi o i ai. O le tāua o le faitauga o lona fa'amamafaina o le fa'aauau pea. O le to'asefulu ma le tasi na sosola i le taimi na saisai ai Iesu ma sa masalosalo i upu a fafine ua tu'uina mai o latou ia ua malamalama ma ua mafai nei ona olaina o latou vala'auina o ni so'o. Na fa'aalia mai e Mareko i lana evagelia atoa o le lē malamalama ma le lē fa'atāuaina o le moni o Iesu e le 'au so'o, a'o lenei ua latou fa'alogoina i fa'atonuga a le Ali'i ma fa'atau'u: Ae o lo'o manino mai ia Mareko o le 'Ali'i o lo'o galulue ma i latou ma fa'amausalī le upu'. O le 'au so'o sa lē aogā tele a o fa'atasi ma Iesu i la le tino, a o lenei ua fai ma molimau, ona ua fa'atasi ma i latou le Ali'i toetu.

ASO 20 ME ASO SA O LE PENETEKOSO:

Faitauga nmuamua: Galuega 2: 1 – 11. Matua: Ua fa'atumuina i latou umai le Agaga Pa'ia, ua afua ai onatautala i gagana 'ese'ese.

FAITAUGA MO LE MASINA APERILA 2018

Salamo 104: 1, 24 (tali), 29 – 30 (tali), 31, 34 (tali). Tali: E te auina atu lou Agaga, e te toe fuataina fo'i le foga'ele'ele. Faitauga lona lua: 1 Korinito 12: 3 – 7, 12 – 13. Matua: O le Agaga e to'atasi na papatisoina ai i tatou uma i le tino e tasi. Aleluia, Aleluia...Agaga Pa'ia e, afio mai ia, ia e fa'atumuina loto o au 'auauna, ma tutu i ai le afi o lou alofa...Aleluia. Evagelia: Ioane 20: 19 – 23. Matua: Fa'apei ona auina mai a'u e le Tamā, e fa'apea fo'i ona ou auina atu outou, ia outou talia le Agaga Pa'ia.

Tofitofiga o le Upu:

E pei o isi Sulufaga Tetele a le Ekalesia, e 'esea toa fo'i faitauga mo Misasa ile afiafi o le aso To'ona'i mo le Penetekoso. Mo le tele o tagata ua fai ai sina faigata ona fuafua ma fa'apea ai ona lē amana'ia. E pei o le patipatia o le Sauniga Afiafi e tatalaina ai le Vaitau o le Eseta, e fa'apena fo'i le patiptia o le sauniga afiafi o le Penetekoso e tapunia ai lea vaitau. O le filifiliga o faitauga ua aumai le Feagaiga Tuai ua maua ai se avanoa e iloa ai le uiga o le Sulufaga: O le fa'amatalaga i le Olo i Papelu na fa'ese'ese ai gagana, o le fa'aaliga i le Mauga o Sinai na va'aia ai le afio ai o le Atua i Ponaivi Mamago o Esekielu sa oti a ua toe fa'aola mai e le Agaga (manava) a le Atua ma le sasa'a mai o le Agaga mai le profeta o Ioelu, ua maua mai atoatoa mea alofa a le Atua. O nei mea uma ua maua ai se avanoa e sa'ili'ili ai le mea alofa a le Agaga Pa'ia i le ola fa'auau a le Ekalesia.

O le faitauga mai le Galuega ua fa'amanino mai ai le a'afiaga o le mea alofa a le Agaga aga'i atu i a'oa'oga a aposetolo, o latou uma o lo'o fa'alogu ua lagonaina le fe'au e tasi – e ui i le 'ese'ese o gagana. O le tāua o lenei fe'au, e le o le vavega, ae o le fe'au e Tasi, le Tala Lelei ma o tagata uma lava po'o le a lava le tulaga ma le nofoaga o lo'o i ai, ua vala'auina ina ia fa'alogu i ai. O le evagelia e tatau lava ona fa'auigaina ma avatu i auala 'ese'ese, ae tumau pea o le evagelia lava e Tasi.

E aoga le maitauina o le evagelia o le aso o lo'o fa'atulaga mo le aso Sa o le Eseta – mo Ioane o le Aso o le Toetu na tu'uina atu ai e Iesu le Agaga. Ua fa'amanatu mai ai ia i tatou o le 50 aso o le patipatia o le Eseta e le o le patipatia o se piliota po'o se mea na tupu, ae o se taimi e mana'omia e fa'ailoa ai le moni o lo'o tupu – le Toetu o Iesu ma le sasa'a mai o le Agaga o lo'o maua pea i le taimi nei.

ASO 27 ME ASO SA O LE TASITOLU PA'IA:

Faitauga muamua: Teuterename 4: 32 – 34, 39 – 40. Matua: O le Ali'i, o ia lava le Atua i le lagi i lugā, atoa ma le lalolagi nei, e leai lava se tasi.

Salamo: 33: 4 – 5 (tali), 6, 9 (tali), 20, 22 (tali). Tali: Amuia le nu'u ua filifilia e le Ali'i e fai ona lava tofi.

Faitauga lona lua: Roma 8: 14 – 17. Matua: Ua outou maua le agaga o taumafai, tou te vala'au atu ai.

Aleluia, Aleluia...O le vi'iga i le Tamā, ma le Alo ma le Agaga Pa'ia, o le Atua lava o lo'o soifua, na soifua fo'i, o le a afio mai...Aleluia.

Evagelia: Mataio 28: 16 – 20. Matua: Ia papatiso atu iā te i latou i le suafa o le Tamā, ma le Alo ma le Atali'i, ma le Agaga Pa'ia.

Tofitofiga o le Upu:

Mai le vaega lea i le fa'ai'uga o le evagelia a Mataio o le papatisoga ua tatou maitauina – o le fa'aogaina lea o le vai ma le vala'auina o le Tasitolu – o se faiga mai anamua. O lo'o manino mai i evagelia ma Galuega a Aposetolo – fa'apea le Ekalesia mai anamua – le tāua o le papatisoga sa faigata ona fa'alau'iteleina ae o le fa'aogaina o le papatisoga e pei o se mea tausii a aiga i Europa Kerisiano o lona uiga o le papatisoga ua na o se 'sauniga o le ulufale' e otometi i lo le va'aia ma fa'alogoa o se ulufale atu i le olaga o le Tasitolu Pa'ia. O le toe fafagu maia o le Fa'a'aulufaleina o Kerisiano Matutua ua telē lona sao i le toe fa'aola se fa'amamafa talafeagai e pei ona iloina ai nei e palisi ma tagata. O le patipatia o le papatisoga i le taimi o Misasa, le mā'ea'ea o sauinigauniga ma le fa'aogaina faiga fa'asauniga e pei o le toe fa'afouina o folafolaga o le papatisoga ma le sausuina o le vai o le papatisoga i le vaitau o le Eseta ua fesoasoani e toe fa'amalosia le moni o le papatisoga o se sakalameta mai le amataga ae le o se sauniga faito'atasi a se aiga i se aoauli o le aso To'ona'i i le falesa e leai se fa'apotopotoga. O le fa'atinoina o le sauniga i lenei aso fa'apitoa, e tatau ona fesoasoani i tagata uma ina ia latou fa'atāuina le moni o le papatisoga o se tu'u fa'atasia lea ia Keriso fa'atasi ma le 'au fa'atuatua ua papatisoina ua fausia le Tino o Keriso.

Tauologologo

FAITAUGA MO LE ASO SA MUAMUA O IUNI – 2018

Aso 3 Iuni Asdo Sa o le Tino ma le Toto Pa'ia o Keriso – 'Corpus Christi'

Faitauga muamua: Esoto 24: 3 – 8. Matua: Fa'auta ile toto o le feagaiga ua osia e le Ali'i ma outou.

Salamo: 116: 12 – 13 (tali), 15 – 16 (tali), 17 – 18 (tali). Tali: Ou te ava'e le ipu o le olataga, ma 'ou vala'au atu i le suafa o le Ali'i.

Faitauga lona lua: Eperu 9: 11 – 15. Matua: E fa'amamaina o outou loto fuaia ifo i le toto o Keriso.

Aleluia, Aleluia... O a'u le areto ola na alu ifo mai le lagi; pe a 'ai se tasi i lenei areto, ona ola ai lea o ia e fa'avavau... Aleluia.

Evagelia: Mareko 14: 12 – 16, 22 – 26. Matua: O lo'u tino lenei. O lo'u toto lenei.

O LE FA'ASOLOGA O MISASA MO APERILA 2018

1 st . Sunday	0.8.30am	Strathmore	Leai se Misasa
1 st . Aperila 2018	10.00am	Taita	Leai se Misasa
	11.30	Titahi Bay	Leai se Misasa
2 nd . Sunday			
8 Aperila 2018	11.30am	Naenae church	Patele Petelo
		Wainuiomata	Misasa i Petone
3 rd . Sunday			
15 Aperila 2018	11.00am	Newtown	Patele Maleko
	11.30am	Heretaunga	Leai se Misasa
4 th . Sunday	9.00am	Wairua Tapu – (Petone)	Patele Denis O'Hagan
22 Aperila 2018	11.00am	Lower Hutt	Patele Maleko
	11.30	Stokes Valley	Patele Petelo

KALENA A LE MATAGALUEGA MO APERILA 2018